



20. august 2021

UKA 2021/70

Inatsisartut suleriaasianni § 33 tunngavigalugu matumuuna aalajangiiffigisassatut siunnersuuteqarpunga:

**Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaata allangortinneqarnissaanik, taamaasillutik sukrunut, lakridsinut sukulaatinut il.il. akitsuutit atuutilersinneqartup § 1, nr. 1-2, Inatsisartut inatsisaanni nr. 23 18. november 2019, atorunnaarsinneqassasut.**

(Inatsisartunut ilaasortaq Jens-Frederik Nielsen, Demokraatit)

### **Tunngavilersuut**

Isertugaataangilaq, Demokraatit 2019-imi sukrunut, siilipimut, sukulaanut, lakridsinut sukulinnullu tikisitsinermut akitsuummik qaffaanermut peqataasimammat. Ilaatigut una pequtaasimavoq, sulinermut ilanngaammut aningaasat akiliutitut atussagatsigit aammalu snescooterit akitsuutaat piissagatsigu.

Sulinermut ilanngaat aammalu snescooterinut akitsuummik peersineq suliniutit pitsaasuupput, ugguaatiginngisagut. Kisiannili aningaasalersueriaaserput kingumut ugguaatigivarput. Allatut oqaatigalugu kukkusimavugut. Kukkuneq tamanna ima ittumik siunnersuuteqarnermik iluarserusupparput.

Ersarissumik oqaatigalugu 9. november 2019 sioqqullugu akitsuutit inissisimasimanerinut utertinniarpagut.

Demokraatit isumaqarput, maani nunami inuuniarneq akikinnerulertariaqartoq. Qulakkeertariaqarparput, kalaallit tamarmik annertunerusumik aningaasaateqarnissaat. Ilaatigut tamanna pisinnaavoq akitsuutinik appaanikkut. Una sukut, siilipip, sukulaat, lakridsit sukullillu akitsuutaannik atorunnaarsitsinissamik siunnersut taamaattumik isiginiarneqassaaq uani katersuunnermi akitsuutinik appaanissamik siunnersuutinut ataqatigiisumik.

Demokraatit aallaavittut isumaqarput, pingaartuusoq, siunnersuuteqartutut siunnersuutit aningaasalersorneqarnissaannik siunnersuuteqarnissaq. Erseqqissarneqassaarlu, taamatuttaaq allatut aningaasalersornissaannut siunnersuutinut ammagatta. Siunnersuutip aningaasalersornissaanut siunneruutigaarput aningaasanut inatsimmi ingerlatsinermut- ilassutitullu tapiissutinut sipaarniarnikkut aningaasalersorneqassasoq. Taamaaliorneq ukiumut 56 millioner koruuninik aningaasartuutikinnerunermik kinguneqassaaq.<sup>1</sup> Aningaasalersornissaanut siunnersuutip uuma aningaasalersornissaanut siunnersuut tamakkiisumik siunnersuutit ilaattut isigineqassaaq aammalu uani katersuunnermi akileraarutinut- aamma akitsuutinut appaanissanik Demokraatit siunnersuutaasa ilaattut.

Demokraatit siunnersuummut Naalakkersuisut maanilu Inatsisartuni partiit amerlanerussuteqartut tapersiinissaat neriutigaat.

**Pisortanut aningaasatigut allaffissornikkullu kingunissai**

---

<sup>1</sup> [https://ina.gl/documents/para3637/2021/svar/038\\_2021\\_skatter\\_afgifter\\_JFNI\\_akissut.pdf](https://ina.gl/documents/para3637/2021/svar/038_2021_skatter_afgifter_JFNI_akissut.pdf)



Eqqussorneqartut tamarmiusut allanngunngippata sukkut, sukkulaatit mamakujuillu eqqussornerannut akitsuutit 19. november 2019 sioqqullugu atuuttunut appartinneqarnerat pisortat isertitaannut tamarmiusuni ukiumut 9,7 mio. kr.-nik annaasaqarnermik kinguneqassaaq.

Tamassuma saniatigut oqaatigineqassaaq, sukkut, sukkulaatit mamakujuillu eqqussomeranni akitsuutit appartinneqameranni peqqinnissaqarfimmi aningaasartuutit annertunerulissasut.

Pisortanut allaffissomikkut toqqaannartumik kinguneqassanngilaq.<sup>2</sup>

### **Namminersorlutik inuussutissarsiuteqartunut aningaasatigut allaffissornikkullu kingunissai**

Suliffeqarfiit soorlu assersuutigalugu nerisassaarniat, sukkunik, siilipimik, sukkulaatinik, lakridsinik sukkulinnillu nioqquteqartut akimik appaasinnaanngussapput. Neriniartarfiit kaffisorniartarfiillu, taakkuninnga pisiniarnerminni sipaaruteqarsinnaasalissapput.

### **Innuttaasunut aningaasatigut allaffissornikkullu kingunissai**

Innuttaasut, sukkunik, siilipimik, sukkulaatinik, lakridsinik sukkulinnillu ulluinnarni atuisut, taakkuninnga pisiniarnerminni aningaasanik sipaagaqarsinnaalissapput taamaasillutillu qaammatit tamaasa aningaasaateqarnerulissallutik.

---

<sup>2</sup> [https://ina.gl/documents/para3637/2021/svar/038\\_2021\\_skatter Afgifter JFNI akissut.pdf](https://ina.gl/documents/para3637/2021/svar/038_2021_skatter Afgifter JFNI akissut.pdf)